



CONCELLO DE BOIMORTO (A CORUÑA)

Rúa Vilanova, 1 - 15817 BOIMORTO Teléfono: 981 516 020 - Fax: 981 516 045

E-mail: correo@boimorto.es

Web: www.concellodeboimorto.es

Convenio de colaboración entre CONCELLO DE BOIMORTO e o CF BOIMORTO para articular a concesión dunha subvención nominativa aos efectos de sufragar os gastos de mantemento do equipo de fútbol na categoría preferente Norte - Tempada 2018/2019

Na Casa Consistorial do Concello de Boimorto da Coruña REUNIDOS:

- D^a M^a Jesús Novo Gómez, Alcaldesa do Concello de Boimorto con DNI nº 44814623C
- D. Roberto Costoya Castelo, Presidente do Club de fútbol de Boimorto con DNI nº 78798631X

Os comparecentes interveñen en uso das facultades que, por razón dos seus cargos, lles están atribuídas MANIFESTAN que o Club de fútbol de Boimorto con CIF G-15125768 no mes de maio 2017 ascendeu a preferente Norte, potenciando a repercusión pública e social para o Concello de Boimorto e, comprometido coa difusión do deporte no medio rural fomentando dito deporte como espazo de ocupación do tempo libre e de oportunidades entre a xuventude do Concello, dando visibilidade provincial e incluso autonómica do equipo de fútbol, chegando a ser incluso reactivador da actividade económica do Concello de Boimorto.

O Concello de Boimorto é competente para a colaboración prevista neste convenio, de conformidade co artigo 25.2 l) da Lei de Bases de Réxime Local 7/85, de 2 de abril, no que se dispón que o Concello ten competencia para promoción do deporte e instalacións deportivas e de ocupación do tempo libre e que o fomento e apoio a este Club de fútbol entra dentro do exercicio de ditas competencias propias municipais considerando a relevancia da celebración das competicións deportivas na categoría preferente Norte ano tras ano neste termo municipal no que participan veciños/as e equipos e asociacións deste termo municipal.

Dado o interese coincidente do Concello co Club de fútbol de Boimorto, ambas partes ACORDAN Formalizar e presente convenio de colaboración conforme a as seguintes cláusulas:

I.- OBXECTO.-

O presente convenio ten por obxecto establecer as bases de colaboración entre el Concello de Boimorto e o Club de fútbol de Boimorto para subvencionar os gastos de mantemento do equipo na anualidade 2019 (Tempada 2018/2019).

II.- PRESUPUESTO DE GASTOS DA ACTIVIDADE A REALIZAR POLA ENTIDADE BENEFICIARIA.-

O Club de fútbol de Boimorto sen ánimo de lucro levará a cabo as actividades programadas conforme co seguinte presuposto:

ORZAMENTO ESTIMADO DE INGRESOS E GASTOS

INGRESOS PREVISTOS

CONCEPTO	IMPORTE
FONDOS PÚBLICOS	10800
DEPORTES DEPUTACIÓN DA CORUÑA	2800
CONCELLO DE BOIMORTO	8000
FONDOS PRIVADOS	1480,41
SOCIOS	1480,41
TOTAL INGRESOS	12280,41

GASTOS PREVISTOS

CONCEPTO	IMPORTE
----------	---------



CONCELLO DE BOIMORTO (A CORUÑA)

Rúa Vilanova, 1 - 15817 BOIMORTO Teléfono: 981 516 020 - Fax: 981 516 045
E-mail: correo@boimorto.es Web: www.concellodeboimorto.es

Desprazamentos a adestramentos e competicións	869
Licenzas mutualidade Federación Galega de Fútbol tempada 17/18	3370
Compras de bens destinados ás actividades- Roupas deportiva equipación	82,91
Dereitos de arbitraje para partidos e campionatos	5795
Seguro de responsabilidade civil	415
Cartelería	423,5
Dietas manutención	1325
IMPORTE TOTAL GASTOS	12280,41



FINANCIACIÓN MUNICIPAL E OUTROS INGRESOS QUE SE OBTENAN OU ACHEGUEN PARA A MESMA FINALIDADE.-

1. O Concello de Boimorto (A Coruña) contribuirá ó financiamento da actividade, tal como se define na cláusula anterior, cunha achega máxima de 8.000 €, o que representa unha porcentaxe de 73,02 por cento . No caso de que o gasto xustificado non alcanzase o importe total previsto na cláusula segunda, o Concello só aportará o importe que represente a porcentaxe xa indicada respecto da cantidade efectivamente xustificada. A contía restante, ata conseguir o importe total do presuposto da actividade, está financiado con cargo a recursos (proprios ou alleos).
2. Agora ben, se a cantidade xustificada resulta inferior ó 75 por cento da contía máxima da subvención (8.000 €), entenderase que a finalidade básica da subvención non foi cumprida e se perderá o dereito ó seu cobro.
3. O importe do financiamento provincial farase efectivo con cargo á aplicación orzamentaria 340.480.00 Deportes a familias e institucións sen ánimo lucro.
4. A subvención do Concello é compatible coa percepción de outras subvenciones ou axudas, públicas ou privadas, para a mesma finalidade, sempre que o seu importe, xunto co da subvención municipal, non supere en ningún caso o importe total del gasto efectivamente xustificado.
5. No caso de que a concorrencia de axudas ou subvencións supere o importe do gasto efectivamente xustificado, minorarase a achega municipal no importe necesario para darlle estrito cumprimento ó apartado anterior.

IV.- CONTRATACIÓN E EXECUCIÓN.-

1. O outorgamento dos contratos de servizos, asistencia ou subministros necesarios para a execución da actividade corresponderalle ao Club de fútbol de Boimorto.

Non se poderá contratar a realización de prestacións con persoas ou entidades vinculadas ao Club, nin con calquera outra na que concorran algunhas das circunstancias ás que se refire o artigo 29.7 de la Lei 38/2003, del 17 de novembro, Xeneral de Subvenciones.

2. Se o importe dalgunha das prestacións supera os 15.000 euros (Sen IVE), con carácter previo á contratación, o Club deberá solicitar polo menos tres presupostos a distintos provedores. Entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente.

3. No caso de que o Club de fútbol de Boimorto tramite e aprobe algunha modificación do proxecto inicialmente aprobado, así como do contrato adxudicado, deberá remitirle ó Concello



CONCELLO DE BOIMORTO (A CORUÑA)

Rúa Vilanova, 1 - 15817 BOIMORTO Teléfono: 981 516 020 - Fax: 981 516 045

E-mail: correo@boimorto.es

Web: www.concellodeboimorto.es

un exemplar do proxecto modificado.

V.- PUBLICIDADE DO FINANCIAMENTO MUNICIPAL.-

1. Na publicidade pola que se dea a coñecer a realización das actividades, ben sexa por medios escritos, radiofónicos, audiovisuais ou internet, deberase facer constar sempre o financiamento do Concello de Boimorto.

2. Coa memoria e conta xustificativa achegaranse documentos que acrediten o cumprimento desta obrigaón.

VI.- A XUSTIFICACIÓN NECESARIA PARA RECIBIR A ACHEGA MUNICIPAL.-

A achega do Concello seralle aboada ao Club unha vez que se presente a seguinte documentación:

1.- Memoria de actuación final , subscrita polo representante legal. xustificativa do cumprimento das condicións impostas neste convenio, coa indicación das actividades realizadas e dos resultados obtidos.

2.- Relación clasificada dos gastos realizados, no que se indiquen os acredores co seu NIF, os documentos xustificativos, os importes e, no seu caso, datas de pago.

Tamén se indicarán as desviacións con respecto ao orzamento detallado na cláusula SEGUNDA.

Con esta relación achegaranse os orixinais ou copias debidamente compulsadas das facturas e demais xustificantes de gasto.

No caso de que se presenten copias compulsadas, con carácter previo á compulsas deberá estenderse unha dilixencia sobre o orixinal na que se deixe constancia de que foi presentada como xustificante de gasto para o cobro dunha subvención outorgada polo Concello de Boimorto.

3.- Acreditación do cumprimento das obrigaóns tributarias e coa Seguridade Social, segundo o previsto na cláusula OITAVA.

4.- Declaración doutras axudas ou subvencións solicitadas ou concedidas para a mesma finalidade.

5.- Certificación da conta bancaria.

6.- Deputación. Proba do cumprimento das obrigaóns asumidas na cláusula QUINTA, mediante a achega de documentos nos que conste a publicidade do financiamento municipal.

VII.- TERMO PARA A REALIZACIÓN DA ACTIVIDADE E PRAZO DE XUSTIFICACIÓN.-

1. As actividades que son obxecto de financiamento municipal, tal como están descritas na cláusula primeira realizáranse na tempada 2018/2019.

2. Unha vez finalizadas as actividades, o Club deberá presentar a xustificación documental á que se refire a cláusula sexta antes do 30 de novembro de 2019.

3. De conformidade co disposto no artigo 70.3 do Regulamento da Lei de Subvencións (Real decreto 887/2006, do 21 de xullo), transcorrido este último prazo sen que se recibiu xustificación algunha, a unidade xestora remitiralle un requirimento ao Club para que a presente no prazo improrrogable de quince días.

A falta de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable respecto diso. Aínda así, a presentación da xustificación neste prazo adicional non eximirá ao Club da sanción que, de conformidade co disposto na Lei de Subvencións poida corresponderlle.


4. O abono da subvención materializarase mediante ingreso na conta da entidade financeira indicada polo Club de fútbol de Boimorto na documentación achegada.



CONCELLO DE BOIMORTO (A CORUÑA)

Rúa Vilanova, 1 - 15817 BOIMORTO Teléfono: 981 516 020 - Fax: 981 516 045
E-mail: correo@boimorto.es Web: www.concellodeboimorto.es

E se transcorresen máis de catro meses desde a adecuada e correcta xustificación dos compromisos adquiridos sen que cobrase o importe que lle corresponda, o Club de fútbol de Boimorto terá dereito ao abono dos intereses de demora, ao tipo de interese legal, que se devenguen desde a finalización do prazo de catro meses ata o momento no que se faga efectivo o pago.



VIII.- CUMPRIMENTO DAS OBRIGACIÓNS TRIBUTARIAS E COA SEGURIDADE SOCIAL E A SÚA ACREDITACIÓN.-

1. O Club de fútbol de Boimorto deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigacións tributarias coa Administración do Estado, coa Comunidade Autónoma, coa Deputación Provincial da Coruña co Concello de Boimorto e coa Seguridade Social.

2. A acreditación do cumprimento das devanditas obrigacións poderá realizarse mediante declaración responsable expedida autorizada polo órgano competente, mediante a presentación dos correspondentes certificados ou ben autorizando ó Concello para que obteña telemáticamente os correspondentes certificados.

3. A acreditación do cumprimento das obrigacións tributarias co Concello será determinada por este de oficio.

IX.- DESTINO E MANEXO DOS FONDOS RECIBIDOS.-

1. O Club de fútbol de Boimorto destinará os fondos recibidos ao pago dos xustificantes de gasto presentados.

2. Co fin de garantir un adecuado control da aplicación dos fondos, o pago deberá quedar acreditado documentalmente mediante a utilización de transferencia bancaria, cartón de débito ou crédito, cheque nominativo ou calquera outro medio que deixe constancia da data de pago e da identidade do perceptor.

Só excepcionalmente poderase realizar o pago en metálico para gastos de ata 300,00 €, nos que non resulte posible a utilización dun dos medios anteriormente indicados.

3. Sen prexuízo dos libros e rexistros contables que as normas xerais ou sectoriais lle poidan impor, o Club de fútbol de Boimorto deberá contar polo menos cun rexistro cronolóxico de cobros e pagos nos que se inclúan, entre outros, os relativos ós gastos xustificados e ós ingresos declarados con respecto a esta subvención.

X.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.-

1. A realización dun control financeiro sobre a subvención paga, ten como finalidade acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de todas as demais obrigacións formais e materiais que lle impón o presente convenio de colaboración.

2. Simultaneamente, de acordo co disposto na Lei 6/1985, do 24 de xuño, do Consello de Contas de Galicia, o Club de fútbol de Boimorto queda sometido aos procedementos de fiscalización que leven a cabo o Consello de Contas de Galicia ou, no seu caso, segundo o disposto na Lei orgánica 2/1982, do 12 de maio, aos procedementos de enxuzamento contable que poida incoar o Tribunal de Contas, e a calquera outro órgano de control, nacional ou europeo.

XI.- REINTEGRO, INFRACCIÓN E SANCIÓN.-

1. O incumprimento dalgunha das cláusulas previstas no presente convenio de colaboración poderá dar lugar á obrigación de reintegro parcial ou total dos fondos recibidos, así como ao pago dos intereses de demora que se devenguen desde o día no que se realizou o pago ata o momento no que se acorde a procedencia do reintegro.



CONCELLO DE BOIMORTO (A CORUÑA)

Rúa Vilanova, 1 - 15817 BOIMORTO Teléfono: 981 516 020 - Fax: 981 516 045
E-mail: correo@boimorto.es Web: www.concellodeboimorto.es

O procedemento de reintegro iniciárase de oficio, na súa tramitación seguirase o disposto nos artigos 41 e seguintes da Lei 38/2003, do 17 de novembro, Xeneral de Subvencións e nos artigos 91 e seguintes do seu regulamento (R.D. 887/2006, do 21 de xullo), dándolle en todo caso audiencia ao interesado.

2. Sen prexuízo do anterior, devandito incumprimento tamén poderá ser constitutivo dalgunha das infraccións tipificadas na Lei 38/2003, do 17 de novembro, ou na Lei 9/2007, do 13 de xuño, de Subvencións de Galicia, séndolle de aplicación o cadro de sancións previstas nas normas citadas.

XII.- INCORPORACIÓN Ó REXISTRO PÚBLICO DE SUBVENCIÓNS E PUBLICACIÓN DA SUBVENCIÓN CONCEDIDA.-

1. En cumprimento do disposto no artigo 20.1 da Lei 38/2003, Xeneral de Subvencións, e demais normativa de desenvolvemento, os datos da subvención concedida e a identificación do Club de fútbol de Boimorto serán remitidos á Intervención Xeral do Estado, para que sexan incorporados á Base de Datos Nacional de Subvencións, coa exclusiva finalidade prevista no devandito precepto.

2. Simultaneamente, en cumprimento do disposto no artigo 16.3 da Lei 9/2007, do 13 de xuño, de Subvencións de Galicia, o Concello remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade Autónoma de Galicia.

3. Segundo o disposto no artigo 18 da Lei 38/2003, do 17 de novembro, Xeneral de subvencións, a concesión da subvención ao Club de fútbol de Boimorto será publicada.

XIII.- VIXENCIA DO CONVENIO, PRÓRROGA OU MODIFICACIÓN.-

1. O presente convenio de colaboración terá carácter retroactivo aos efectos de imputación dos gastos e abarcará os devengados dende maio 2018 a xuño 2019, sen que en ningún caso sexan subvencionables os gastos devengados con anterioridade á devandita data e conservará a súa vixencia ata o día 31 de decembro de 2019, todo isto condicionado á existencia de crédito adecuado e suficiente no exercicio orzamentario correspondente.

2. Para o caso de que o Club de fútbol de Boimorto non poida ter presentada a xustificación antes do día 30 de novembro de 2019, deberá solicitar antes desta data, a prórroga do prazo inicial, achegando unha solicitude motivada, co fin de que o Concello poida acreditar a existencia de crédito adecuado e suficiente para o pago que proceda, do importe correctamente xustificado. Acreditada esta circunstancia, o Concello poderá conceder a prórroga solicitada, que en ningún caso poderá exceder do 31 de decembro de 2019. A esta data, o convenio quedará definitivamente extinguido, de forma que o Club de fútbol de Boimorto perderá o dereito ao cobro do importe correspondente á contía non xustificada en dita data

3. Tamén, por acordo expreso de ambas as partes e despois dos informes pertinentes de Secretaría Intervención, o convenio poderá ser obxecto de modificación.

En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario.

XIV.- NATUREZA, INTERPRETACIÓN E XURISDICIÓN COMPETENTE.-

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, do 18 de novembro, Xeneral de Subvencións, e na Lei 9/2007, do 13 de xuño, de Subvencións de Galicia. Supletoriamente aplicarase a lexislación de contratos do sector público.

2. A interpretación das dúbidas e lagoas que poidan xurdir na aplicación do presente convenio corresponderalle á Alcaldía, logo dos informes previos preceptivos de Secretaría Intervención

3. Corresponderanlles ós órganos da xurisdición contencioso-administrativa, segundo a distribución



CONCELLO DE BOIMORTO (A CORUÑA)

Rúa Vilanova, 1 - 15817 BOIMORTO Teléfono: 981 516 020 - Fax: 981 516 045
E-mail: correo@boimorto.es Web: www.concellodeboimorto.es

de competencias disposta na Lei 29/1998, do 13 de xullo, reguladora da devandita xurisdición, o coñecemento das cuestións litixiosas que poidan xurdir a consecuencia do presente convenio.

Faise constar que o presente convenio foi aprobado polo Pleno do Concello de Boimorto.

E en proba de conformidade, asinan un exemplar cuadruplicado do presente convenio, no lugar e data indicados no encabezamento.



A Alcadía,
Asdo. M^a Jesus Novo Gomez.

A Presidencia do CF Boimorto,
Asdo.- Roberto Costoya Castelo